

Cussagl da cumün

Protocol nr. 5 da ls sezzüda dals 6 avrigl 2010

Società da fabrica Munt Plan

La patruna da fabrica dumonda da pudair baratar ün'abitaziun principala (A2) cun ün'abitaziun secundara (A3). Cun quist müdamaint vain surpassada la quota d'abitaziuns secundaras per 9.12 m². Il Cussagl refüsa la dumonda.

Cavelty Alexander

Sar Alexander Cavelty dumonda il permiss per dovrar l'areal da la deponia in Chanscharoulas sco lö da trenamaint per ir cul töf. Il Cussagl es perinplet, e fa las seguaintas cundiziuns:

- i das-cha gnir dovrà be l'areal da la deponia;
- ils uraris da trenamaint dessan esser d'ürant quels dis chi vain eir trat a schaubgia;
- il permiss vala per quist on;
- la taxa per trafichar la via ha da gnir pajada (fr. 100.-- per veicul).

Lengua blaua

Ils paurs da bescha da Ftan han decis chi das-cha gnir alpigiada be bescha vaccinata cunter la lengua blaua. La decisiun da deliberaziun dal dovair da vaccina nu cuntogna ingünas limitaziuns a regard l'alpigiada. L'artichel 14 dal uorden champester disch, cha „tuot il muvel gross e manü haja il dret e'l dovair da gnir alpigià in nossas alps“. Tenor las directivas da la Confederaziun nun es il na vaccinar ün act illegal. Per evitar disgusts dess il schef champester discutir cul respunsabel pel muvel manü/bescha per provar a chattar üna soluziun bunaria.

Planisaziun cumünala

La revisiun da la planisaziun es pronta. D'ürant il mais mai vain inoltrada la dumonda d'examinaziun preliminar a l'Uffizi per la planisaziun dal territori. Avant repassa il Cussagl amo üna jada tuot ils müdamaints previs.

Cumün da Guarda, uffizi da fabrica

Il cumün da Guarda nun ha amo ingün schef da fabrica. Els dumondan als cumün d'Ardez e Ftan da pudair ingaschar a nos manader tecnic per evader las lavuors i'l sector da fabrica. Il Cussagl es perinplet da metter a disposiziun il manader tecnic per üna d'ürada da trais mais e quai per las listessas cundiziuns sco chi'd es per Ardez.

Carpanetti Jon Fadri e Katja, parcella in Fionas

Ils conjugals Jon Fadri e Katja Carpanetti han l'intenziun da fabricar üna chasa sülla parcella nr. 2737 in Fionas. Il Cussagl decida da reservar la parcella per ün on, vuol dir fin la fin d'avrigl 2011.

Il capo: sig. Reto Pedotti

L'actuar: sig. Andri Florineth